



Page: 15

Reach: 50000

Country: BOSNIA AND HERZEGOVINA

Size: 193 cm2

1 / 1

U zajedničkoj akciji "Gas" policijskih organa BiH i Hrvatske

Razbijena grupa koja je trgovala skankom

Pripadnici SIPA-e na području Stoca i Čapljine uhapsili tri osobe • Zaplijenjeno je više od 60 kilograma droge

Pripadnici Državne agencije za istrage i zaštitu (SIPA) jučer su u koordiniranoj akciji policijskih organa Ministarstva unutrašnjih poslova i Policijskog nacionalnog ureda za suzbijanje korupcije i organiziranog kriminaliteta Republike Hrvatske (PNUSKOK) kodnog naziva "Gas" lišili slobode Z. J. (56), S. S. (35) i M. O. (46) zbog neovlaštene trgovine drogom.

Kako neslužbeno saznajemo, na području Stoca i

Čapljine uhapseni su Zdravko Jurčević, Šimo Šljivčić i Mladenka Ostojić, i to zbog postojanja osnova sumnje da su počinili krivično djelo organizirani kriminal u vezi s krivičnim djelom neovlaštene prometi opojnim drogama.

Također, u ova dva hercegovačka mjesta pretreseni su objekti na četiri lokacije, a u više odvojenih akcija, kako nam je potvrđeno, nakon višemjesečne kriminalističke istrage kojom je bio obuhvaćen veći broj osoba sa

područja BiH i Hrvatske, zaplijenjeno je više od 60 kilograma opojne droge skank.

Upravo je droga zaplijenjena u Hrvatskoj, gdje je, također, više osumnjičenih osoba uhapšeno i gdje su pretreseni objekti na većem broju lokacija.

Osobe lišene slobode u okviru ove akcije sumnja se da su kao pripadnici organizirane kriminalne grupe kontinuirano u periodu od juna do novembra 2014. godine vršili neovlaštenu pro-



Uhapseni privedeni u prostorije SIPA-e u Mostaru (Foto: Ilustracija)

met opojne droge skank iz BiH u Hrvatsku radi pribavljanja protivpravne imovinske koristi - saopćeno je iz SIPA-e. Osobe lišene slobode privedene su u službene prostorije SIPA-e u Regionalni ured u Mostaru, gdje će se nad njima izvršiti kriminalistička obrada, nakon čega će, uz izvještaj o počinjenom krivičnom djelu i izvršiocima, biti predat Tužilaštvu BiH na daljnje postupanje, saopćeno je iz SIPA-e. **M. SAMARKI**